

中華民國郵政特種郵票發行處

中華民國十一年九月二十六日至三十日 第五十四期

湖南公報

(用代局刷印豐復稱正府沙長)

湖南省長公署發行

價目
（一）本報每月每份大洋八角
（二）外埠每月每份另加郵費二角
（三）每冊零售一角半分

目錄

總務

省長電蔡鎮守使據省議員劉家正函稱芷東防虛匪烈等情仰迅派軍駐防由

內務

省長指令甯鄉知事呈請褒揚節婦黃周氏由

省長批吳瑤等呈請租用潭寶軍路開辦汽車公司由

省長通令警務處各縣知事據益陽知事呈請嚴禁買賣人口由

省長指令甯鄉知事呈請褒揚節婦黃蒲氏由

省長訓令財政廳爲恢復省倉存儲穀石仰該廳詳細規畫辦理由

省長訓令警務處准北交通部咨請保護武漢輪船航線仰該處轉飭遵照由

省長指令省會貧民救濟會呈擬徵收乞丐捐辦法懇核佈告由

省長佈告據省會貧民救濟會擬定徵收乞丐捐辦法等情仰各界人等知悉由

教育

省長訓令醫務處准北內務部咨送國語教育進行概況仰該處遵照分別進行由
省長委任易利貞爲岳陽縣縣視學由

省長訓令財政廳據任凱南呈請給發留英學生劉胡二生畢業回國川資仰該廳填給發款通知由

實業

省長指令委員周鴻業呈爲欠款無着懇飭拘繳以清手續由

省長訓令湘陰知事據委員周鴻業呈懇飭縣拘押廣福圍總理羅秉鈞追繳欠款仰卽遵辦由
省長批元隆莊等呈爲華昌公司抵押債務請備案由

省長訓令華昌公司據元隆莊等爲債務抵押呈請備案仰該公司迅將實情呈覆由

省長批南安常漢沅公民代表呈爲匪勢猖獗懇予給委并咨部保護由

省長批永興興利公司代表呈李寶渭等搗築傷工懇予派勘電縣保護由

省長荅總司令部據興利公司代表呈李寶渭等恃兵搗築傷工請飭駐軍不得干涉由

省長訓令財政廳據興利公司代表李寶渭等搗築傷工仰該廳查核辦理由

省長訓令各縣知事爲檢發之定種辦法仰該知事悉心研究改良辦法由

財政

報

板

南

湖

省長指令湘岸榷運局呈爲小淹私販恃庇橫行懇令縣署轉飭團防警察協力維持由

省長訓令安化知事據湘岸榷運局呈爲小淹私販恃庇橫行懇令縣署維持等情仰卽遵照辦理由
省長訓令長沙關監督粵漢鐵路管理局交涉員省會稽察廳據榷運總局呈爲火車輪船夾帶鄂私仰卽嚴密查禁由

省長訓令財政廳據榷運總局呈擬整理衡寶永各岸粵稅仰該廳知照由

司法

高等審判廳指令醴陵知事據報鄧可生命案相驗情形由

高等審判廳訓令攸縣知事據該縣管獄員呈爲囚食困難懇予電飭該知事照章墊發仰卽遵照由


高等檢察廳指令瀏陽縣知事據報謝七命案相驗情形由

高等檢察廳指令祁陽縣知事據報違令相驗周李氏屍體一案情形由

高等審判廳民利庭公開審理案件日時通告

期四十五

目錄



四

總務

致蔡鎮守使電

沅陵蔡鎮守使鑒據省議員劉家正彭定均函稱接芷江縣議會議長彭程萬電開芷東久無正式軍隊駐防民苦已極招安軍姚繼虞近又奉調開拔地方危急懇轉呈火速電調就近軍隊填防以救眉急等語合亟電仰該使迅派得力軍隊前往駐防以重地方而維治安恆恩號印


湖南

政

報

期四十五
第

總務



內務

湖南省長公署指令

令寧鄉縣知事

呈請褒揚節婦黃周氏由

呈件均悉據呈該縣節婦黃周氏青年喪夫矢志靡他茹苦含辛克全大節懇請依照褒揚條例給與褒揚前來查核尙無不合應予照准除俟大局底定再行彙案咨部核辦外先由本署題頒節凍冰霜四字匾額一方交由該署轉給祇領藉示旌揚用昭激勸再來呈附賣團鄰證明書三份均屬訛明作監殊爲錯誤特予隨令發還仰卽轉飭更正另呈到署以憑分別存轉此令

計題頒匾額一方發還原賣團鄰證明書三份

趙恒恩

中華民國十一年九月十二日

湖南省長趙示

批吳瑩等呈請租用潭寶軍路開辦汽車公司懇予備案由

呈件均悉查潭寶路線係華洋籌賑會以工代賑修築并提撥米鹽公股爲修築費其保管方法與路息用途均經議決有案其性質自與長潭軍路有別該路租用應俟路工告成訂有租路章程再行查照辦

理仰卽知照此批

中華民國十一年九月十一日

湖南省長公署通令

令
各縣知事
警務處

第

五

十

期

爲通令嚴禁事案據益陽知事賀耀璘代電稱查販賣人口大干法紀迭經遵奉鈞令嚴行查禁在案近聞一般奸民在新安各縣被災地方販賣幼女或拐帶婦女連赴漢口一帶鬻爲娼婢者不一而足知事爲拯救災黎遵重人道起見飭派妥員每日在各碼頭輪船開駛之際及開赴下游民船切實查驗查獲販賣人口案多起當起獲幼女十餘名年齡自數歲至二十餘歲不等提案質訊該幼女等有不知其父母姓名住址者有被其親屬鬻賣者情殊可憫逐應設法安插以救災黎除詢明確有親屬住址者分別咨送回籍外餘各幼女既無親屬具領又無濟良所可資收容擬請咨送省城濟良所以便安插而資救濟是否可行卽乞令遵現在省憲實行無論何人不得以人身爲買賣目的特明文規定法令綦嚴豈容此等奸民違法罔利貽禍被災之幼女玷辱湘省之自治近聞各縣均有販賣人口情事若不嚴厲查禁何以重人道而維省憲擬請鈞署重申禁令通飭各屬切實查禁如查有上項情事一經拿獲盡法懲辦以儆效尤而挽頽風毋任懇禱待命之至等情到署除電令益陽賀知事覽支代電悉查販賣人口違犯律憲早經本署通令查禁在案據稱近復有奸民在新安各縣拐帶婦女赴漢鬻賣閑之深堪痛恨應准嚴令各縣切實查禁以維人道至該知事所查獲之幼女十餘名有能知其父母姓名住址者仍由該

知事轉咨各該管地方官轉飭具領不知者着咨送省城濟良所以資救濟而全災黎仰卽遵照印發並

分令外合行令仰該處長即便遵照轉飭所屬一體從嚴查禁是爲至要此令

處長
知事

趙恒恩

中華民國十一年九月十三日

湖南省長公署指令

令甯鄉縣知事

呈請褒揚節婦黃蕭氏由

呈件均悉據稱該縣節婦黃蕭氏現年五十六歲守節三十五年人無間言請依照褒揚條例第一條第七項之規定咨部給予褒獎等情查核尙無不合應予照准除俟大局底定再行彙案咨部核辦外茲由本署題頒柏節松心四字匾額一方交由該署轉給祇領用彰苦節而勵末俗再查該知事轉費原具呈人證明書二份訛明作盟實係錯誤並予隨令發還仰仍轉飭更正另呈到署以憑存轉此令

計題頒匾額一方發還原具呈人證明書二份

趙恒恩

中華民國十一年九月十四日

湖南省長公署訓令

令財政廳

爲令行事照得爲邦首重足食備荒端資儲粟湘省比歲不登災情慘重廻思往事可爲寒心今歲雖各地間有饑災而統計全境差慶有秋自應茲後懲前亟圖補救除通飭各縣知事查明各該縣舊有常平社倉及鄉團各項積穀額數責令籌備恢復外查省倉存儲穀石歷年因挪用借放爲數現已無多趁茲年穀順成急宜力加整理其借放各縣者應令分別繳還其挪用在公者應即設法填補爲此令仰該廳長詳細規畫切實辦理務使倉廩充實飢餓無虞并將辦理情形及儲穀數目呈報備查此令

趙恒毅

中華民國十一年九月十六日
湖南省長公署訓令

令警務處

案准北京交通部咨開據江漢關監督呈稱爲呈報事竊照泰記輪船局武漢輪船請註冊給照一案奉
鈞部令開呈件均悉查行江行海商輪凡江海口岸皆得往來惟沿江沿海不通商之處不得私作貿易
至內港行輪則准在口岸內行駛或由通商此口至彼口或由口岸至內地並由該內地駛回口岸歷經
辦理在案此次該輪所擬航線如按照江輪行駛應將金口寶塔洲新堤城陵磯等處刪去如欲經過各
內地則不得再越口岸而至他口方與例章相符仰卽轉飭另擬航線呈報再行核辦此令等因奉經布
告該輪局遵照去後茲據泰記輪船局局主程鈺查另擬航線上游起漢口訖長沙經過岳州下游起漢
口訖南京經過武穴九江安慶蕪湖等處將各項應報事宜列表繪圖稟請轉呈核辦前來理合將齊到

湖

南

政

報

表圖呈請鈞部俯賜核辦指令遵行等情查該輪局武漢輪船另擬航線上游起漢口訖長沙經過岳州下游起漢口訖南京經過武穴九江安慶蕪湖等處核與江輪行駛向章相符除由本部註冊填給執照發交該監督轉給承領并令行各關監督查照外相應咨請貴省長分令各該屬保護至級公誼此咨等因到署查事關保護商船合行令仰該處轉飭所屬遵照此令

中華民國十一年九月十八日

趙恒恩

湖南省長公署指令

呈爲擬定徵收乞丐捐辦法懇請核准備案出示佈告由

呈悉准予備案并出示曉諭惟須切實辦理以期惠及貧民款不虛糜爲要此令

趙恒恩

中華民國十一年九月十九日

湖南省長公署佈告

爲佈告事案據省會貧民救濟會會長張輝瓈副會長沈克剛左學謙等呈稱爲擬定徵收乞丐捐辦法懇請核准備案出示佈告事竊屬會組織成立其計畫次第首先接收貧民工藝廠加以整理次則接收廢疾惠濟惠老養濟等院增加給養不令沿街求食再次則將街市流動乞丐一律設法收容分別教養以期達到救濟貧民之目的惟茲事體大需款尤鉅除整理各廠院固有經費外更就各街市舖戶平日

對於乞丐原有之按月及逢期打發酌定等級認捐各住戶則照房租酌定認捐曾經訂定簡章呈請鈞署核准在案頃又奉到鈞署轉咨總司令部核准屬會呈請暫假金盤嶺營房爲乞丐收容所指令自應尅日籌畫將街市乞丐一律收容仰副鈞座矜恤窮黎整理市政之德意除肥料捐一項已斟酌現情擬改訂承包捐額會同省會警察廳長暨長沙縣知事呈請核准辦理外復經迭開紳商大會討論徵收各街市舖戶住戶分認乞丐捐辦法僉謂此項原有之按月及逢期打發均屬各戶必需之費如街市乞丐經設所一律收容各戶祇按月繳捐既可免門市之叫囂又不致格外增加負擔惠而不費莫便於此惟此項按月逢期打發舖戶爲多則酌認之捐自應從減經再三審慎公同議決擬按照各戶房租每月租洋一元舖戶認捐四分住戶認捐二分均由佃戶或自業自居者負擔至房租在三元以下者概不收取此項認捐辦法應呈請省長核准備案先行出示佈告一俟籌畫完備訂定日期呈報從某月日起收容乞丐卽從某月日起徵集捐款再請飭知警察廳自某月日以後將街市乞丐隨時押送指定之收容地點分別教養並傳知各舖戶住戶同日停止打發錢米以上所擬辦法以三個月爲試驗期間如此期間內市面仍不免發現乞丐卽不得收取捐款此後永著爲例以全信用等語是否有當謹縷悉據呈懇賜核准備案並出示佈告指令祇遵實爲公便其實行收容乞丐徵集捐款日期容俟籌畫完備卽行訂期呈報合併聲明等情據此除指令照准外爲此佈告仰各界人等一體知悉此佈

省長趙恒毅

期四十五

中華民國十一年九月十九日

教育

湖南省長公署訓令

令 警務處

爲令行事准北京內務部咨開准教育部咨稱據國語統一籌備會函開本會擬在教育方面爲全國兒童漸次造成注音字母及國語之環境並使國語教育漸與社會生活發生關係請行文商請內務部令行京師警察廳及各省警務處轉令所屬警官巡警教練各學校並現在各區服務人員及巡警等暨各區所辦之平民半日等學校均傳習注音字母及國語茲送呈印成之教育部國語教育進行概況五十部應請附致轉發所屬俾明國語教育之內容而不致發生誤會等語前來查海陸軍部業經採用注音字母編爲旗語傳習有年當此推行國語教育之際該會所陳各節不爲無見檢同國語教育進行概況五十部咨請查照轉發所屬各機關參酌辦理等因並附件到部除分行外相應檢同國說教育進行概況一部咨請查照轉飭警務處參酌辦理等因並送國語教育進行概況一部到署准此合行檢發原書令仰該處卽便妥擬推行注音字母及國語各方法分別進行爲要此令

計發國語教育進行概況一本

趙恒恩

中華民國十一年九月十一日

湖南省長公署委任令

令岳陽縣縣視學易利貞

爲令委事案據岳陽縣知事黃榮選呈請委任易利貞爲縣視學除指令照准外合行令委該員卽便認

真視察毋負委任此令

趙恒恩

五

中華民國十一年九月十四日

湖南省長公署訓令

令財政廳廳長唐 嘵

十

爲令行事案據任凱南函稱留英學生劉百昭胡庶華業已畢業請予給發回國川資等情到署據此除
飭書函請省教育經費保管委員會卽就十年度留英學費項下各給英金九十磅照時價每磅扣國幣
四元八角二分共計國幣一千四百六十一元六角交由任凱南轉寄外合行飭科填具請款憑單令仰
該廳卽便填給發款通知此令

計發憑單一紙

趙恒恩

四

中華民國十一年九月十六日

實業

湖南省長公署指令

令委員周鴻業

呈爲欠薪無着懇飭拘繳以清手續由
悉據稱該堤局總理羅秉鈞強收各業戶租穀獨飽私囊所欠土價概不理落對於該委薪資一味橫
騙等情殊屬不合仰候令行湘陰縣知事勒傳該羅秉鈞到案分別追繳可也此令

趙恒毅

中華民國十一年九月十一日

湖南省長公署訓令

令湘陰縣知事

爲令行事案據委員周鴻業呈稱竊委員奉命督修湘陰縣屬廣福團堤工數月以來慘淡經營奔走呼
號東掘西羅幾經挫折始於夏歷閏五月杪竣工入夏以來霪雨爲災西水暴漲堤塹雖遭淹沒而早禾
幸已全收是該閭民於顛連痛苦之中生機尙未斷絕委員奉鈞署之命令受業戶之付託職責所在不
敢言功差可告勞詎該堤局總理羅秉鈞行爲乖謬居心狡猾自陰歷四月起乘堤局經費支絀之時對
於鈞署法定委員薪資把持不給委員爲顧大局起見亦只忍受困苦不與深追及至秋收之後該總理

心存破壞違背局章巧立名目私設清理處於石子口霸收該部分三柱各業戶租谷數百石以飽私囊所欠土價萬餘元概不理落委員薪俸更不過問一月之內避不到局僅新業部分總理陳國雲一人撐持以致局中所收各欠戶租穀償還土價尙且不足薪資問題竟無人提及加之西水突來堤局淹沒倉卒返省薪資一項締欠五月之多分文未領到省後委員與新業總理陳國雲交涉再四始允承認半數其餘須向老業總理羅秉鈞直接交涉爲詞竊思義務權利相輔而行無米不能爲炊枵腹何可從公目下因難已達極點况羅秉鈞業已強收各業戶租穀獨飽私囊對於委員薪資一味橫騙揆之法理未免不合爲此呈請鈞署令行湘陰縣知事票拘羅秉鈞到案從嚴押繳以儆刀玩而清手續庶昭公允究應如何辦理之處理合呈請察核示遵等情除指令呈悉(同上)此令印發外合行令仰該知事卽便遵照辦理以重堤工而清手續此令

趙恒恩

中華民國十一年九月十一日

湖南省長趙示

批元隆莊等呈爲華昌公司抵押債務請備案由

呈件均悉事關公司破產在註冊法未實行以前自可由本署暫行備案惟來呈係債權人一方面之呈請究竟該公司債務實數暨接押情形是否與此相符此外該公司所欠債務尙有若干應候令飭該公司據實呈覆後再行核辦再執行破產係屬法院權限仰仍赴法院呈請登記此批

中華民國十一年九月十一日

湖南省長公署訓令

令華昌公司

爲令行事案據長沙元隆莊等呈稱債務抵押請准備案以資保護等情并抄呈該公司與長沙各債權人商榷緩期清理債務雙方協議同意條約一紙到署正核辦間據長沙分通銀行函稱敬肅者竊查湖南華昌鍊鑛公司歷年敵行往來帶欠長平銀一百三十餘萬兩嗣於民國六年該公司因金融緊急迭據該總理汪頤年協理王莘田梁和甫等懇求分期償還當將該公司全廠鍋爐機器以及房屋地基碼頭輪船等項一概備函作爲抵押在卷詎料該公司未能依約償還旋即停頓營業敵行既有債權之關係爲此仰懇鈞署准予存案以維商本實紳公誼等情前來除分別批示外合行檢發副呈令仰該公司迅將本案實在情形暨該公司債權債務財產實數詳明呈覆以憑核辦此令

趙恆易

中華民國十一年九月十一日

湖南省長趙示

批南安常漢沅五縣公民代表程佐廷等呈爲匪勢猖獗商業阻塞迅懇給委咨部出示保護由呈悉據稱濱湖各縣匪盜猖獗諒係實在情形應據組設商團以資保衛仰卽遵照商團組織大綱由各該縣商會長擬具章程及操生名額在隊規則課程表商團名稱職員表呈由該縣知事轉候核辦此批

中華民國十一年九月十一日

湖南省長趙示

第

五
十

批永興興利公司代表陳科元呈李寶渭等搗謹傷工懇飭廳派勘電縣保護由梗電悉該商刪代電呈各情業經據情令行永興縣知事查明情形認真辦理并出示保護在案茲據電呈各節除令行財政廳查核辦理并咨請總司令部令飭駐防永興軍隊對於該公司與李寶渭等鑛權爭執一案不得加以干涉并將被押人等迅行釋放外仰卽知照此批

中華民國十一年九月十二日

湖南省長公署咨總司令部文

四

期

爲咨行事案據（永興縣興利煤礦公司代表陳科元梗電稱竊商煤礦奉財廳給照鈞署存案並蒙廳電縣保護在案是商等經有鑛權而李寶渭等賴兵士駐廠在商礦區內日夜開挖勒令商等停工並無明令刪日郵電諒蒙洞鑒前被拿押股東一名巧日復拿股東一名皓日又拿監工二名均未審訊交縣羈押養日又被李等恃兵駐廠另率兇徒將商礦搗場毀物殺傷工人二名經縣驗勘迭電財廳商奉法受屈言恐有觸軍威甯依法而觸威毋默減以受屈伏懇迅咨總司令飭駐永軍隊勿復如前並飭廳派勘電縣保護依法判裁而維鑛業等情據此）除批（同上）此批掛發并分令外相應咨請

貴部迅予令飭駐防永興軍隊對於該公司與李寶渭等鑛權爭執一案不得加以干涉並將被押人等

迅行釋放以維鎮政實緣公諱此咨

總司令部

省長趙恒恩

中華民國十一年九月十二日

湖南省長公署訓令

令財政廳

爲令行事案據同上括弧內文除批(同上)此批掛發並咨請

總司令部迅予令飭該地駐軍遵照外合行令仰該廳即便查核辦理具報察奪此令

趙恒恩

中華民國十一年九月十二日

南

湖南省長公署訓令

令水
利局
各縣知事

爲令行事查農田灌溉關係民生水旱宣防胥資水利比歲各縣偏災迭告民食維艱膏腴之地旱魃肆虐濱湖之區洪水爲災飢渴頻仍歲收歉薄揆厥原因良由水利未興以致蓄洩均失常度亟應懲前毖後思患預防應飭該局察酌各屬情形或開濬溝渠或疏治河道或興工鑿井或堅築堤防舉凡地方農田水利所關均應悉心整理力圖補救以濟天災而興農利除分行外合亟令仰該局知事即便遵照就

各該管地方屬切實考察參酌該局工程水道測量結果擬具辦法分別呈候指令辦理毋得玩忽是爲至要切切此令

第

中華民國十一年九月十二日

湖南省長公署訓令

令各縣知事

爲令行事查農作種子恆因氣候土壤及選擇方法之異宜致收量品質顯判優劣自非選別適宜無以發揮各項種子固有之生產能力比年各縣農產未增收成歉薄旱潦虫害固然選種毫不講求收穫減縮亦足令農業經濟上蒙無形之損失該知事有提倡農政之責自應轉行各該地方農事機關團體聯合農校事場酌就該地主要農產各項種苗之品種及選種方法悉心致驗注重增加產量改善品質切實推行以圖改進除分行外各行檢同部定選種辦法令仰該知事卽便遵辦仍將辦理情形具報備查此令

計發選種辦法二份

趙恒恩

中華民國十一年九月十二日

附錄選種辦法如左

期

十 五

一查歷年各縣農事機關於選種一事已舉辦者絕少每項作物年年依樣播種從無淘汰選留之舉且多種年年同栽一區雜處變劣已無選留之價值故各項作物所留種子如有此等情弊宜即一律廢棄另行採辦外國及國內著名之純良種子以充試驗之用

二品種試驗固應將各品種同栽一區以資比較但不宜選留種子仍宜年年採用純良種子如已由品種試驗選出優良品種亦宜另採此品種之純良種子加以隔離栽植庶可保留其純一不雜之品質

三既得優良品種宜求繁殖以充發給農民之用但仍須逐年選種以維持其既得之品質令勿退化植物之由種子繁殖者除普通選種外宜行獨本選種法續行多年以求純良種子至植物之不由種子繁殖者如果樹等類當各因其宜施行接嫁插木壓條分栽等法以求推廣良種四異種交配以求改進品質之方法如行之不得其宜或已得改良種子發給農民後不能繼續選種每易退化變劣故此項試驗不妨從緩舉行

五現在各省商辦種子公司漸見發達各農業機關如購買種子時其亟應注意之事項如左

甲檢查種子公司所售種子是否純良并試驗其發芽力
乙檢查其有無摻入偽品及夾雜物等情弊

丙凡向種子公司購買種子者對於種子如有疑慮應即詳加檢查考驗以定取舍
丁規定各項純良種子品質之標準製成標本並將各項作偽物品製成標本分送各農業機關

以資參考

戊按期編印種子檢查報告詳列各公司所售種子之優劣使農民知所趨避

六農民如缺乏科學知識不宜逕向外國購買種子免受欺騙如有購買者應即送經農事試驗場

等機關檢查以定取舍

七對於各項優良種子研究其收採貯藏揀選等方法編刊報告

八冬夏農暇時招集各農業機關技術員講習選種及檢查種子方法



財政

湖南省長公署指令

令湘岸榷運局

呈爲小淹私販恃庇橫行懇令縣署轉飭團防警察協力維持由呈悉查小淹一帶私販恃庇橫行前據該局長呈報到署節經令行安化縣知事隨時查拿究辦在案茲據續呈前情准再令飭該縣知事嚴令所屬各團防警察協力維持並佈告曉諭商民遵章赴局購買如有違法販私及統兜闖越情事着卽會同防軍拿案嚴辦以遏刀風而肅鹹政仰卽知照此令

趙恒急

中華民國十一年九月十五日

湖南省長公署訓令

令安化縣知事劉運鴻

案據湘岸榷運局呈爲小淹私販恃庇橫行懇令縣署轉飭團防警察協力維持事案據小淹分局呈稱案奉省長指令局呈請轉咨總部嚴禁軍隊庇縱私販並維持緝私由奉令內開呈悉仰候咨請總司令部轉飭各軍隊查照辦理可也等因奉此除分行外合行抄呈令仰該局知照此令等因奉此伏思軍隊庇縱私販已爲政府不許通令飭禁在案分局近來竟被類軍隊而假軍隊聲勢如東坪聯防處處長張

第

五

十

四

期

承啓者派隊荷槍護私闖關現分局所轄各引地均被包攬私販不服局章已蜂起水湧如同化外所有蓄意破壞抗令闖越各情形業經備文呈報在案尤足奇駭者八月二十二日薄暮有統隊荷槍包庇私鹽四船在小淹本埠經過耀武揚威比槍拒查經小淹警察所偵悉拒查惡情止分局巡丁上船免觸兜錐該所代爲查明護鹽過關者係東坪聯防處隊長張固階據該隊長報告鹽船四隻裝鹽一百六七十包販戶名目過多殊難記載等情旋具函報告分局備案在案准此旋備文呈報鈞座核辦在案竊查鹽務章程地方行政長官及警察團防各機關對於鹽稅均負維持保護之責茲分局所轄各引地一般奸商穩聽奸人主聳目無局章私擅外販分局飭查羣起而抗非懇令飭安化縣轉飭各團防警察就近協助何以施行緝私不能緝課何以裕此呈請令飭團防警察協助緝私之必要也查此次奸人主聳奸商抗令闖越一案開會聯盟聲勢浩大所恃以不恐者有聯防處之槍彈爲對敵資耳該聯防處既已統兇負槍膽於小淹本埠闖關示威其愈進愈厲將更有不可思議之事接踵而至自在意中彼奸既見聯防處果有此闖關藐局之廣大威風尤恃爲寨主國王有此護符何事不可爲其抗令闖越禁買局鹽肆無忌憚爲所欲爲推其梟風所及將日進於燎原不可向邇之境有較之川粵邊界之私梟之統兇藐抗商得庇縱而膽敢藐抗闖越東坪聯防處以團防而包庇私鹽過關各情形理合備文呈請鈞座轉呈省長令飭安化縣轉飭所屬各團防警察協力維持鹽課毋得庇縱私販致害岸稅至分局以徵收機關孤立於無軍隊保護之地所資以維持保護者安化縣署實爲倚靠并懇令飭安化縣署出示佈告曉諭商

湖

南

政

報

民免聽奸聳致觸稅章如遇有分局咨請維持保護之處卽煩查照施行分局被害至此所請咨撥軍隊速來維護之案尙未實施開拔之先非懇如呈令飭卽無辦法可對事關鹹政伏候令達等情據此查鹽斤爲課稅所從出關係重要必先堵緝私鹽乃能疏拓正銷地方官對於鹹務原有協助之條民國三年曾奉鹽務署頒發地方官協助鹽務獎勵懲戒條例有案此次小淹商民聽憑奸人主聳越境販運並由東坪聯防處派隊荷槍庇縱鬪鬪若非嚴加整理將來該岸銷市不堪設想前據該局縷呈統兜藐抗情形業經呈請鈞署暨總司令部分別飭縣究辦派隊駐防尙未奉到指令茲復據呈前情各縣團防均受治於行政長官之下應懇迅飭安化縣知事嚴令所屬各團防警察協力維持鹹務并佈告曉諭商民違章赴局購買不得聽聳販私自投刑網似此辦理庶足以遏刀風而重鹹政理合具文呈請鈞署警察核指令祇遵等情據此除指令呈悉(同上)此令印發外合亟令仰該知事卽便遵照前今各令認真辦理毋稍寬縱切切此令

趙恆恩

中華民國十一年九月十五日

湖南省長公署訓令

長沙關監督
粵漢鐵路管理局
令
交涉員
省會警察廳

策

五

十

期

案據湘岸榷運局呈稱呈爲輪船火車夾帶隣私懇請令飭轉行嚴禁仰祈鑒核事竊鹽法首重引界越境卽以私論近年湘省鹽稅附捐過重故牌價視贛鄂爲鄰岸爲高而長沙一區直達武漢輪軌互通朝發夕至各商輪水手及火車茶房丁役人等往往違法罔利夾帶鄂私雖經職局派遣司巡嚴密偵緝終難盡行破獲卽偶經破獲而各水手茶房又復恃勢抗拒不服盤查緝獲愈難來源愈盛以此省河引岸幾城鄂私尾閨現查湘省腹岸正雜鹽稅每担多至三元六角鄂私侵銷一担政府卽坐失三元六角之收入倘長任鄰私充塞不獨破壞引岸卽於政府稅收損害亦匪淺渺應懇鈞署令飭長沙關及粵漢鐵路管理局分別嚴飭通行長岳武漢輪船火車之茶房水手人等不准再有夾帶鄂鹽情事其英日各公司輪船卽請令行特派交涉員咨行各該國駐湘領事轉諭各商一體查禁以遏來源現由職局加派密查數員隨時分赴沿河碼頭及東北各車站嚴密梭巡並懇令飭省會警察廳轉行各分署遇於職局員巡在各輪船火車起獲私鹽得請崗警協助以便將人鹽一併帶局罰辦似此分途堵緝嚴予懲創庶鄰私可望廓清稅收不蒙損失是否有當理合具文呈請鈞署察核指令遵行等情據此除指令呈悉輪船火車夾帶鄰私影響稅收實非淺渺應准如呈分令嚴禁以維岸銷仰卽知照此令印發外合行令仰該

期監督嚴飭長岳武漢各輪船茶房水手人等不得再有夾帶鄂鹽情事致干查究
局嚴飭長岳武漢火車各茶房人等不得再有夾帶鄂鹽情事致干查究
交涉員卽便遵照各行英日各國駐湘領事轉諭各商一體查禁以遏來源
廳轉行各分署遇有該局員巡在各輪船火車起獲私鹽應卽協同辦理以肅釐政

趙恒恩

中華民國十一年九月二十日

湖南省長公署訓令

令湖南財政廳

湖
南
案據湘岸榷運局呈稱呈爲違令擬先整理衡永寶各岸粵稅以裕餉源敬陳辦法數端懇祈鑒核事案查屬局湘岸榷運局呈爲違令擬先整理衡永寶各岸粵稅以裕餉源敬陳辦法數端懇祈鑒核事案查屬局前以鹽稅日衰亟須整理統籌利弊首重減價敵私等情呈奉鈞署指令內開呈表均悉查湘岸鹽稅收入逐漸減少自非亟圖整理不足以裕稅源該局長所擬輕減淮稅抵制粵私辦理尙屬妥協應予

如呈照准至酌加鄰稅慎選人材實行賞罰各節亦係整頓鹹政要圖着卽詳細考查妥擬辦法呈候核辦除令知財政廳外仰併遵照等因奉此竊查粵稅爲率最輕各處章程不同論其多者每擔不過一元七角（如零陵寶慶是）而其少者每擔僅收七角或四五角耳（如上堡耒陽是）以視淮課之每包（包卽等於擔卽百斤）至三元六角其相去不甚遠乎粵稅旣如此其輕即使切實徵收稅量猶嫌其薄況復經手員司任意放盤以廣招徠每百斤之重有僅收稅二三十斤者其爲稅量不愈微乎假令此二三十斤盡數歸公猶可說也無如多飽私囊隱匿不報公家所入能有幾何殆不及百分之一耳言念及斯不勝浩嘆不僅此也寧鹽多侵入一票淮鹽卽短銷一票公家稅入卽欠收壹萬餘元此猶近日減價計算若復地小減者則四千餘元也淮鹽一票應收稅一萬在壹萬元也查粵鹽行淮範圍最廣歲計何止百數十票近或數百票矣是則粵鹽侵入十票公家卽損

第

五

十

四

期

失十萬元粵鹽侵入百票公家卽損失壹百萬元也二百票卽二百萬可不慨哉爰集粵局正辦零陵劉克家上堡易寶鈞寶慶蕭暢及職局科長秘書黃森陳雲鶴凌翰鄒德淹蔡彤張超等屢經商議共籌整理之方僉謂吾湘百廢具興費用浩大而民窮財盡羅掘俱荒危如果明朝不保夕亟無他法可施矣求之富商已窮矣求之殷室室已空矣惟有整頓徵收剔除中飽懲罰貪慝使商民納稅涓滴歸公實爲此刻理財不二之道顧民間痛苦政府困愁而徵收員司罔知大義專圖私利不顧公家下擾閭閻上削國本此則政府取其財不傷廉慤其人不傷仁者也詞嚴義正彬甚拜嘉惟是湘省鹽區西路各岸半食川鹽郴桂兩屬專食粵鹽俟與該正辦等會商再擬辦法外竊惟衡永寶各屬皆係淮粵配銷準理而談稅官一致不宜貴淮賤粵使平民猜疑也然相沿旣久勢難驟更順情之常祇能漸進謹擬整理衡永寶各屬粵稅之法約有數端敬爲鈞座諫之一水旱稅則宜歸一律也查粵稅現行章程每鹽百斤上堡水運完錢一千五百文旱運八百四十文零陵水運一千四百文旱運八百四十文釐卡另完錢一千零五十文未陽水運一千四百文旱運一千六百文旱運一千五百文當時定案之初原爲體恤肩挑小販故旱稅較輕乃利之所在商販巧爲趨避往往船運近卡卽行起坡投稅而後再行上舟以致水卡收入爲數寥寥且各局員司因水旱稅率輕重不同遂爾上下其手所收水稅概作旱稅轉報弊端百出無從究詰應卽刪除旱稅成例各按水稅徵收俾歸一律卽寶慶每斤收錢十六文上堡每斤收錢十五文零陵未陽每斤收錢十四文以杜取巧而免弊混此應行整頓者一一按斤實收宜尅期辦到也上堡稅則向定每斤二十五文零陵稅則向定每斤十四文并無水旱之分嗣因減斤折收積重難

返始於民國四年詳准改定現行章程分別水旱按斤實徵原期掃除積弊乃稅則雖經減輕而斤重迄未照收訪聞每鹽百斤或僅收五六十斤或僅收一二二十斤不等不獨利在私販害歸公家而鹽斤與票不符稽考爲難各局卡亦得因緣爲奸流弊伊於胡底自非按原運斤重核實稽徵不足以挽頹靡祇以積習相沿一旦加收足額誠恐商民至感不便擬卽分期辦理自公佈之日起每期定爲半個月每鹽百斤第一期實收六十斤第二期實收八十斤第三期按斤收足絲毫不准短少定此猶豫期間庶商民知利而避害易於就範此應行整頓者二一發給大票宜嚴格照填也各分局徵收鄰稅向由總局刊發四聯大票一聯爲照票填給商販一聯爲驗留由第二卡截留彙繳總局核對一聯爲繳驗由收稅專局呈解總局查驗一聯爲存根歸專局存查騎縫編號並載明稅錢數目防弊至爲周密近來各局卡或私刊草票或逕用手條收稅僅於報解時始將大票繳驗填繳是否照數填入固無從查考且有時驗留呈繳到局核與繳驗所載斤重稅錢多不相符其中侵蝕公款圖飽私囊弊害無窮應卽申明定章無論商販運鹽多寡一律於完稅後填給大票並由第二卡將截存驗留一聯照章隨時賣局如無大票收稅准由商民告發否則經過第二卡卽將鹽斤填充庶一般商民皆知大票重要不允稍爲遷就而積弊可除此應行整頓者三一任用員司宜確遵定章也定章各局卡員司概由總局遴委歸專分局正辦監督遇有才不稱職准其據實呈請撤換意至良法至善也近來各局所屬員司大半由正辦呈請甚至先行派定祇請加委而總局所委人員或至不能到差殊屬不成事體且其人是否賢能無從查悉設有不肖之徒通同一氣違章舞弊更屬考察爲難應卽照定章辦事員司仍由總局任用責成專局正辦督率稽核蓋

彼此同爲總局委派之人則皆四方之士非一州所有則可互相監察各有所憚而不敢任意營私此應行整頓者四一員巡薪餉宜酌給津貼也查粵稅局卡額定薪餉數極微薄正辦祇月支錢百千其餘員司多則三四十普通僅二十千鹽巡丁役多則八千少僅五千耳值此百物昂貴生活程度日見其高薪餉既屬區區上者不能養家下者並不能養身求其毋舞弊營私安可得耶現欲湔洗從前陋習非將

薪餉各項酌量加增奚以養廉特恐薪餉旣增而陋習如故求益未得所損愈多因是躊躇未敢遽定擬按各員巡原支之數暫由湘省附加稅項下津貼一倍如原支五千卽津貼五千原薪二十二千卽津貼二

十千餘以類推俟試辦三個月後如果著有成效或粵稅增加或淮銷暢旺再行呈請加重稅率改定薪餉此應行整頓者五以上五端皆爲清理粵稅積習之道猶有權局普通適用者一員司委用須先之以

試驗繼之以賞罰也念吾湘軍常以窮將飢兵拚命赴敵死傷枕藉奮不顧身是以屢立戰功威武揚溢同居湘土同屬湘人其在軍界不惜犧牲性命而在徵收機關則不能拋棄分外之金錢此其故何也蓋無試驗以慎之於始復無賞罰以隨諸後也於是放利而行不以爲恥一朝致富皆以爲榮相習成風伊

於胡底鹽稅由是敗壞庶政因以衰枯倘不激濁揚清力行矯正一蟹之隙竟破全隄瞻彼覆巢庸有完卵稅收不旺政令不昌三千萬人安得旰食乎茲擬員司就職須先行試驗不專重薦函擇其品行端方身體強健算術嫻熟學問優深者始行加委加委而後潔已奉公實心任事者酌予獎勵或調優差其有放棄責任貪贓枉法者亦應立予懲戒輕則記過撤差重則嚴拿治罪所有賞罰章程卽遵照鹽務署之

紀私官弁獎勵懲戒條例及湘省公佈之官吏犯贓治罪法辦理語曰政寬則民慢慢則糾之以猛誠以


治世有大德不以小惠也此應行整理者六一員司就職宜對神宣誓用昭信守也語曰予所否者天厭之天厭之此孔子之誓詞也大總統就職須到國會宣誓然則誓不足怪信於是昭蓋人心之中善惡之念他人不得而知惟神甚明之語曰鬼神之爲德其至矣乎視之而弗見聽之而弗聞體物而不可遺又曰神之格思不可度思矧可繹思夫微之顯誠之不可掩如此夫抑又聞之聰明正直之謂神作善降之百祥作不善降之百殃如響斯應毫不爽也令員司就職對神宣誓此誠正人心防流弊正本清源之妙藥也此應行整理者七以上各條皆爲整理粵稅以裕餉源要圖偷蒙照准擬漸次推行南至郴宜西至澧永津保各岸盡行切實整理希竟全功而增正賦是否有當理合具文呈請鈎署察核指令祇遵謹呈等情據此除指令呈悉該局長所擬整理衡永寶粵稅辦法各條均屬妥協應予如呈照准至郴宜及津澧各岸積弊相同併着漸次推行以裕稅源而期刷新除令行財政廳外仰併知照此令印發外合行令仰該廳長卽便知照此令

趙恒毅

中華民國十一年九月二十日

四
五

附
註



司 法

湖南高等檢察廳指令

令醴陵縣知事

據報鄧可生命案相驗情形由呈及驗斷書均悉強盜欄刦火車鎗斃警士實爲交通之害仰速選派隊警並飛關隣封營縣嚴緝本案兇盜務獲密辦毋稍懈弛切切此令

檢察長蕭 度

中華民國十一年八月二十六日

令攸縣知事

湖南高等檢察廳訓令

案據該縣管獄員言錫純呈稱竊職接管獄務以來將屆一月僅在縣署領得常洋二十元現收人犯六十餘名應需因食暨一切開支每日非五元不辦迭請知事繼續墊款接濟既無令覆又無錢領由職東扯西挪始免斷炊第人地生疎挪借有限近已束手無策難爲無米之炊設再予籌墊則囚糧垂絕誰變堪處再四思維惟有仰懇鉤長迅予電飭知事照章墊發經費以資接濟而維現狀不勝迫切待命之至等情據此查監獄經費內以因食爲大宗而因餉口糧又爲日需必要之款迥與他種經費不同縣知

事係有獄之官且監獄之設原爲地方羈禁人犯保全公安此項經費在財政廳歷保責成各縣撥墊抵解在各縣亦向以啟賡相關均係盡先設法提撥俾濟要需該縣事同一律自應照章趕緊墊以維獄務茲據前情除指令外合亟令仰該知事卽便遵照從速籌撥現款給領

用濟囚食而免竭蹶毋稍忽延致滋貽誤切切此令

檢察長蕭度

中華民國十一年九月六日

湖南高等檢察廳指令

令瀏陽縣知事劉其達

據報謝七命案相驗情形由

呈及驗斷書均悉查謝七以七十老翁而被其妻殺傷身死殊足駭人聽聞謝鄭氏是否爲其結髮之妻現年若干此次究因何事起衅致釀倫常之變仰速詳細調查并一面嚴拿謝鄭氏務獲審辦毋稍懈延切切此令

檢察長蕭度

中華民國十一年九月七日

湖南高等檢察廳指令

令祁陽縣知事鍾起宇

湖內政廳

據報遵令相驗周李氏屍體一案情形由呈及驗斷書均悉人命案件一經據報到官總以從速相驗為唯一辦法蓋屍經驗明有傷固應拿究辦無傷亦可迅謀結束彼刀健之徒遂無所施其伎倆也本案先因延不相驗以致枝節橫生若非本廳就前呈詳晰指令其展轉牽連更將伊於胡底該知事既兼負司法之責嗣後當以此案為鑑不必於報告中摘其瑕疵堅予拒却徒延時日至本案驗訊情形尙屬明瞭所陳三點亦頗具有理由該知事既認李值時實犯認告及詐財等罪仰速按律判辦併於經過上訴期間後查明有無不服依法辦理以資結束毋再宕延滋累切切此令

檢察長蕭度

中華民國十一年九月九日

湖南高等審判廳民庭公開審理案件日時通告

本廳民庭九月二十五日午後一時公開審理案件如左

一龔耀清與程鳳堂因塲田涉訟不服南縣知事公署第一審判決控訴一案

(公開審理)

一彭少康與彭瑞堂因坟山涉訟不服湘鄉縣知事公署第一審判決控訴一案

(公開審理)

一彭壽洪與尹其誼因坟山涉訟不服茶陵縣知事公署第一審判決控訴一案

(公開審理)

一龍翼氏與龍少葵因繼承涉訟不服安化縣知事公署第一審判決控訴一案

(公開審理)

本廳民庭九月二十六日午後一時公開審理案件件如左

一曹策安與徐元善因田產涉訟不服南縣知事公署第一審判決控訴一案
一李映南與李名煥因爭繼涉訟不服益陽縣知事公署第一審判決控訴一案

(公開審理)

本廳民庭九月二十七日午後一時公開審理案件如左

一郭陸仙與楊純卿因債務涉訟不服桃源縣知事公署第一審判決控訴一案

(公開審理)

一楊星榮與梅淵淑因補水涉訟不服甯鄉縣知事公署第一審判決控訴一案

(公開審理)

一戴聰義與戴陳氏因繼承涉訟不服衡陽縣知事公署第一審判決控訴一案

(公開審理)

本廳民庭九月二十八日午後一時公開審理案件如左

一黃訓壽與黃維德因繼承涉訟不服漢壽縣知事公署第一審判決控訴一案

(公開審理)

一吳濟烈與吳濟幹因拆產涉訟不服湘潭縣知事公署第一審判決控訴一案

(公開審理)

一林陳氏與林振清因財產涉訟不服甯鄉縣知事公署第一審判決控訴一案

(公開審理)

一劉八亭與劉國正因族譜涉訟不服常德地方審判廳第一審判決控訴一案

(公開審理)

本廳民庭九月二十九日午後一時公開審理案件如左

一湯鏡梅與湯煥文因繼承涉訟不服益陽縣知事公署第一審判決控訴一案

(公開審理)

一徐人茂與何舉賢因坎山涉訟不服長沙地方審判廳第一審判決控訴一案

(公開審理)

一龍梁氏與張星池因抵押涉訟不服長沙地方審判廳第一審判決控訴一案

(公開審理)

一劉元瑞與蕭惠友因婚姻涉訟不服常德地方審判廳第一審判決控訴一案

(公開審理)

一馬沛生與王碩甫因債務涉訟不服寶慶縣知事公署第一審判決控訴一案

(公開審理)

本廳民庭九月三十日午後一時公開審理案件如左

一蕭鶴堂與蕭焜吾因公穀涉訟不服衡陽縣知事公署第一審判決控訴一案

(公開審理)

一郭長生與郭月常因坟山涉訟不服湘潭縣知事公署第一審判決控訴一案

湖南高等審判廳刑庭公開審理案件日時通告

本廳刑庭九月二十五日午前十時公開審理案件如左

一控告人周敦厚對於道縣知事公署就控告人馳告罪之所爲第一審判決不服控告一案

一控告人夏昌華對於寶慶縣知事公署就唐萬訓等傷害人致死之所爲第一審判決不服控告一案

一控告人劉楚湘對於澧縣知事公署就控告人僞造公文書之所爲第一審判決不服控告一案

本廳刑庭九月二十六日午前十時公開審理案件如左

一控告人談開科對於平江縣知事公署就控告人殺人之所爲第一審判決不服控告一案

一控告人羅仲麟對於衡陽縣知事公署就廖茂湘重婚遺棄之所爲第一審判決不服控告一案

一控告人姜春彩對於湘陰縣知事公署就控告人和誘之所爲第一審判決不服控告一案

本廳刑庭九月二十七日午前十時公開審理案件如左

一控告人凌克家等對於長沙地方審判廳就控告人殺人之所爲第一審判決不服控告一案

一控告人劉新池對於長沙地方審判廳就控告人侵占之所爲第一審判決不服控告一案

本廳刑庭九月二十八日午前十時公開審理案件如左

一控告人張細秋對於資興縣知事公署就黎文成等殺人之所爲第一審判決不服控告一案

一控告人陶應芝對於安化縣知事公署就控告人詐財等罪之所爲第一審判決不服控告一案

一控告人王李氏對於長沙地方審判廳就控告人過失傷害之所爲第一審判決不服控告一案

本廳刑庭九月二十九日午前十時公開審理案件如左

一控告人周臣附對於道縣知事公署就控告人侵占罪之所爲第一審判決不服控告一案

一控告人鄭逢錫對於甯遠縣知事公署就楊宗煥等殺人教唆罪之所爲第一審判決不服控告一案

一控告人段平安對於祁陽縣知事公署就控告人強盜罪之所爲第一審判決不服控告一案

一控告人彭封箋對於益陽縣知事公署就蕭桂榮傷害罪之所爲第一審判決不服控告一案

一控告人趙本潤對於常德地方審判廳就控告人和誘營利之所爲第一審判決不服控告一案

本廳刑庭九月三十日午前十時公開審理案件如左

一控告人蔣柏山對於安化縣知事公署就控告人和姦殺人罪之所爲第一審判決不服控告一案

一控告人閻岳樓對於常甯縣知事公署就吳三義等發掘侵占罪之所爲第一審判決不服控告一案